



**Broj/Broj:02 –50 –1-51-62/'06
Sarajevo/Sarajevo, 7.9.2006.**

**ZAPISNIK
62. sjednice Doma naroda
Parlamentarne skupštine Bosne i Hercegovine,
7. septembra 2006.godine**

Sjednica je počela u 11,45 sati.

Sjednicom je predsjedavao Goran Milojević, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 14 delegata.

Delegat Velimir Jukić opravdao je izostanak.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Nakon rasprave u kojoj je učestvovao Hasan Čengić, usvojen je sljedeći dopunjeni

D N E V N I R E D

1. Odgovori na delegatska pitanja i delegatska pitanja;
2. Usvajanje Zapisnika 61. sjednice Doma naroda;
3. Zahtjev Vijeća ministara BiH za razmatranje Prijedloga zakona o izmjeni i dopuni Zakona o ustupanju predmeta od Međunarodnog krivičnog suda za bivšu Jugoslaviju Tužilaštvu BiH i korištenju dokaza pribavljenih od Međunarodnog krivičnog suda za bivšu Jugoslaviju u postupcima pred sudovima u BiH po hitnom postupku, u skladu s članom 100. Poslovnika Doma naroda;
4. Zahtjev Vijeća ministara BiH za razmatranje Prijedloga zakona o izmjenama i dopunama Zakona o krivičnom postupku, u skladu s članom 100. Poslovnika Doma naroda;
5. Zahtjev Predstavničkog doma za razmatranje Prijedloga zakona o izmjenama Zakona o autorskom pravu i srodnim pravima BiH po hitnom postupku, u skladu s članom 100. Poslovnika Doma naroda;
6. Zahtjev Predstavničkog doma za razmatranje Prijedloga zakona o izmjenama i dopunama Zakona o izmirenju obaveza po osnovu računa stare devizne štednje po hitnom postupku, u skladu s članom 100. Poslovnika Doma naroda;
7. Zahtjev Predstavničkog doma za razmatranje Prijedloga zakona o izmjenama Zakona o administrativnim taksama po hitnom postupku, u skladu s članom 100. Poslovnika Doma naroda;
8. Zahtjev delegata Hilme Neimarlije za razmatranje Prijedloga zakona o izmjeni Zakona o akcizama u BiH po hitnom postupku, u skladu s članom 100. Poslovnika Doma naroda;
9. Zahtjev Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH po hitnom postupku, u skladu s članom 99. Poslovnika Doma naroda, (Zakon od 21.7.2006.);
10. Zahtjev Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH po hitnom postupku, u skladu s članom 99. Poslovnika Doma naroda, (Zakon od 2.8.2006.);
11. Zahtjev Vijeća ministara BiH za razmatranje Prijedloga zakona o prekršajima po hitnom postupku, u skladu s članom 99. Poslovnika Doma naroda;
12. Zahtjev Vijeća ministara BiH za razmatranje Prijedloga zakona o radijacijskoj i nuklearnoj sigurnosti u Bosni i Hercegovini po hitnom postupku, u skladu s članom 99. Poslovnika Doma naroda;

13. Zahtjev Vijeća ministara BiH za razmatranje Prijedloga zakona o izmjenama i dopunama Zakona o centralnoj evidenciji i razmjeni podataka po hitnom postupku, u skladu s članom 99. Poslovnika Doma naroda;
14. Zahtjev Vijeća ministara BiH za razmatranje Prijedloga zakona o izmjenama i dopunama Zakona o osnovama sigurnosti saobraćaja na putevima u BiH po hitnom postupku, u skladu s članom 99. Poslovnika Doma naroda;
15. Prijedlog zakona o lijekovima i medicinskim sredstvima u Bosni i Hercegovini (prvo čitanje);
16. Prijedlog zakona o izmjenama Zakona o Državnoj graničnoj službi BiH (prvo čitanje);
17. Prijedlog u vezi viška sredstava koja će se pojaviti kroz prikupljanje indirektnih poreza na teritoriji Bosne i Hercegovine u 2006. godini;
18. Izvještaj o radu Zajedničke sigurnosno-obavještajne komisije za nadzor nad radom Obavještajno-sigurnosne agencije BiH za period april 2004. - juli 2006. godine;
19. Godišnji izvještaj Ombudsmena za ljudska prava u Bosni i Hercegovini za 2004.godinu;
20. Specijalni izvještaj Ombudsmena za ljudska prava u Bosni i Hercegovini u vezi s usklađenošću Zakona o krivičnom postupku s članom 14. stav 5. Međunarodnog pakta o građanskim i političkim pravima;
21. Specijalni izvještaj Ombudsmena za ljudska prava u BiH u vezi sa Zakonom o utvrđivanju i načinu izmirenja unutrašnjeg duga Republike Srpske i Zakona o utvrđivanju i načinu izmirenja unutrašnjih obaveza Federacije BiH;
22. Informacija o izdatim dozvolama za izvoz/uvoz oružja i vojne opreme u 2005.godini;
23. Potvrđivanje Pravilnika o međunarodnim aktivnostima Parlamentarne skupštine BiH;
24. Prijedlog Vijeća ministara BiH za imenovanje člana Ureda za razmatranje žalbi – stručnjak iz oblasti javnih nabavki;
25. Davanje saglasnosti za ratifikaciju Sporazuma između Bosne i Hercegovine i Sjedinjenih Američkih Država o zaštiti statusa i pristupu infrastrukturi i područjima u Bosni i Hercegovini i njihovom korištenju;
26. Davanje saglasnosti za ratifikaciju Sporazuma između Vijeća ministara BiH i Vlade Hašemitske Kraljevine Jordan o zračnom saobraćaju;
27. Davanje saglasnosti za ratifikaciju Sporazuma o kreditu između Bosne i Hercegovine i Kraljevine Španije za kreditiranje nabavke nagibnih vozova Talgo za Željeznice Federacije BiH;
28. Davanje saglasnosti za ratifikaciju Sporazuma između Bosne i Hercegovine i Republike Slovenije o izbjegavanju dvostrukog oporezivanja i sprečavanja utaje poreza u odnosu na poreze na dohodak i imovinu;
29. Imenovanje četiri člana Upravnog odbora Javnog radiotelevizijskog servisa BiH i utvrđivanje trajanja njihovih mandata.

Ad-1. Odgovori na delegatska pitanja i delegatska pitanja

Odgovore na delegatska pitanja dobili su Osman Brka i Tomislav Limov, tri odgovora

Delegat Osman Brka bio je zadovoljan dobivenim odgovorom, dok se delegat Tomislav Limov izjasnio da je nezadovoljan dobivenim odgovorima.

Delegat Hasan Čengić tražeći da se odgovori na pitanja ubrzaju, ponovio je pitanja koja je postavio na 61. sjednici Doma naroda, održanoj 27.7.2006., predsjedavajućem Predsjedništva BiH Sulejmanu Tihiću, a povodom pisanja domaće štampe da je nedavno iz Bosne i Hercegovine prodato 200.000 komada pušaka u Irak..

1. Da li je uopće tačno da je zvanično prodato naoružanje i oprema s teritorije Bosne i Hercegovine nekome izvan zemlje?
2. Ako jeste, ko je donio odluku o prodaji tog naoružanja i kome, i da li je Predsjedništvo BiH to znalo?
3. Je li tačno da je naoružanje prodato prije nego što je donesena Odluka o strukturi i rasporedu Oružanih snaga Bosne i Hercegovine i prije nego što je ta struktura stvarno uspostavljena?
4. Šta je i koliko tačno naoružanja i opreme prodato?
5. Kome je pripadalo to naoružanje: koliko vojsci RS -a, a koliko komponentama Vojske Federacije BiH, koliko hrvatskoj, a koliko bošnjačkoj komponenti?
6. Čiji je End user Certificate korišten za realizaciju ovog posla?

7. Koja je domaća ili strana kompanija / kompanije realizirala ovaj posao?
8. Koliko je novaca dobiveno iz ovog posla?
9. Za koje svrhe su utrošena ta sredstva?

U vezi sa ovom tačkom dnevnog reda predsjedavajući Doma naroda, Goran Milojević je apelovao na sve Institucije kojima su upućena delegatska pitanja, da dostave odgovore na sva neodgovorena pitanja.

Ad-2. Usvajanje Zapisnika 61. sjednice Doma naroda

Zapisnik 61. sjednice Doma naroda usvojen je jednoglasno.

Ad-3. Zahtjev Vijeća ministara BiH za razmatranje Prijedloga zakona o izmjeni i dopuni Zakona o ustupanju predmeta od Međunarodnog krivičnog suda za bivšu Jugoslaviju Tužilaštvu BiH i korištenju dokaza pribavljenih od Međunarodnog krivičnog suda za bivšu Jugoslaviju u postupcima pred sudovima u BiH po hitnom postupku, u skladu s članom 100. Poslovnika Doma naroda;

U raspravi niko nije učestvovao.

Dom naroda je većinom glasova usvojio Zahtjev Vijeća ministara BiH za razmatranje Prijedloga zakona o izmjeni i dopuni Zakona o ustupanju predmeta od strane Međunarodnog krivičnog suda za bivšu Jugoslaviju Tužilaštvu BiH i korištenju dokaza pribavljenih od Međunarodnog krivičnog suda za bivšu Jugoslaviju u postupcima pred sudovima u BiH po hitnom postupku, u skladu s članom 100. Poslovnika Doma naroda, nakon čega je Zakon jednoglasno usvojen.

Ad- 4. Zahtjev Vijeća ministara BiH za razmatranje Prijedloga zakona o izmjenama i dopunama Zakona o krivičnom postupku, u skladu s članom 100. Poslovnika Doma naroda;

U raspravi niko nije učestvovao.

Dom naroda je većinom glasova usvojio Zahtjev Vijeća ministara BiH za razmatranje Prijedloga zakona o izmjenama i dopunama Zakona o krivičnom postupku po hitnom postupku, u skladu s članom 100. Poslovnika Doma naroda, nakon čega je Zakon većinom glasova usvojen.

Ad- 5. Zahtjev Predstavničkog doma za razmatranje Prijedloga zakona o izmjenama Zakona o autorskom pravu i srodnim pravima BiH po hitnom postupku, u skladu s članom 100. Poslovnika Doma naroda;

U raspravi niko nije učestvovao.

Dom naroda jednoglasno je usvojio Zahtjev Predstavničkog doma za razmatranje Prijedloga zakona o izmjenama Zakona o autorskom pravu i srodnim pravima Bosne i Hercegovine po hitnom postupku, u skladu s članom 100. Poslovnika Doma naroda, nakon čega je Zakon jednoglasno usvojen.

Ad- 6. Zahtjev Predstavničkog doma za razmatranje Prijedloga zakona o izmjenama i dopunama Zakona o izmirenju obaveza po osnovu računa stare devizne štednje po hitnom postupku, u skladu s članom 100. Poslovnika Doma naroda;

U raspravi niko nije učestvovao.

Dom naroda je većinom glasova usvojio Zahtjev Predstavničkog doma za razmatranje Prijedloga zakona o izmjenama i dopunama Zakona o izmirenju obaveza po osnovu računa stare devizne štednje po hitnom postupku, u skladu s članom 100. Poslovnika Doma naroda, nakon čega je Zakon jednoglasno usvojen.

Ad- 7. Zahtjev Predstavničkog doma za razmatranje Prijedloga zakona o izmjenama Zakona o administrativnim taksama po hitnom postupku, u skladu s članom 100. Poslovnika Doma naroda;

Rasprava o ovoj tački dnevnog reda nije vođena.

Dom naroda je usvojio Zahtjev Predstavničkog doma za razmatranje Prijedloga zakona o izmjenama Zakona o administrativnim taksama po hitnom postupku, u skladu s članom 100. Poslovnika Doma naroda, nakon čega je Zakon usvojen.

Ad- 8. Zahtjev delegata Hilme Neimarlije za razmatranje Prijedloga zakona o izmjeni Zakona o akcizama u BiH po hitnom postupku, u skladu s članom 100. Poslovnika Doma naroda;

U raspravi niko nije učestvovao.

Delegat Hilmo Neimarlija je na samoj sjednici povukao Zahtjev za razmatranje Prijedloga zakona po hitnom postupku, u skladu s članom 100. Poslovnika Doma naroda. Zakon će se razmatrati u redovnoj proceduri.

Ad- 9. Zahtjev Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH po hitnom postupku, u skladu s članom 99. Poslovnika Doma naroda (Zakon od 21.7.2006.);

U raspravi niko nije učestvovao.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH po hitnom postupku, u skladu s članom 99. Poslovnika Doma naroda. (Zakon od 21.7.2006.).

Ad- 10. Zahtjev Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH po hitnom postupku, u skladu s članom 99. Poslovnika Doma naroda, (Zakon od 2.8.2006.);

U raspravi niko nije učestvovao.

Dom naroda nije usvojio Zahtjev Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH po hitnom postupku, u skladu s članom 99. Poslovnika Doma naroda (Zakon od 2.8.2006.). Zakon će se razmatrati u redovnoj proceduri.

Ad- 11. Zahtjev Vijeća ministara BiH za razmatranje Prijedloga zakona o prekršajima po hitnom postupku, u skladu s članom 99. Poslovnika Doma naroda;

U raspravi niko nije učestvovao.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o prekršajima po hitnom postupku, u skladu s članom 99. Poslovnika Doma naroda.

Ad- 12. Zahtjev Vijeća ministara BiH za razmatranje Prijedloga zakona o radijacijskoj i nuklearnoj sigurnosti u Bosni i Hercegovini po hitnom postupku, u skladu s članom 99. Poslovnika Doma naroda;

U raspravi niko nije učestvovao.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o radijacijskoj i nuklearnoj sigurnosti u Bosni i Hercegovini po hitnom postupku, u skladu s članom 99. Poslovnika Doma naroda.

Ad- 13. Zahtjev Vijeća ministara BiH za razmatranje Prijedloga zakona o izmjenama i dopunama Zakona o centralnoj evidenciji i razmjeni podataka po hitnom postupku, u skladu s članom 99. Poslovnika Doma naroda;

U raspravi niko nije učestvovao.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o izmjenama i dopunama Zakona o centralnoj evidenciji i razmjeni podataka po hitnom postupku, u skladu s članom 99. Poslovnika Doma naroda.

Ad- 14. Zahtjev Vijeća ministara BiH za razmatranje Prijedloga zakona o izmjenama i dopunama Zakona o osnovama sigurnosti saobraćaja na putevima u BiH po hitnom postupku, u skladu s članom 99. Poslovnika Doma naroda;

U raspravi niko nije učestvovao.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o izmjenama i dopunama Zakona o osnovama sigurnosti saobraćaja na putevima u BiH po hitnom postupku, u skladu s članom 99. Poslovnika Doma naroda.

Ad- 15. Prijedlog zakona o lijekovima i medicinskim sredstvima u Bosni i Hercegovini (prvo čitanje);

U raspravi niko nije učestvovao.

Dom naroda je većinom glasova u prvom čitanju usvojio Prijedlog zakona o lijekovima i medicinskim sredstvima Bosne i Hercegovine.

Ad-16. Prijedlog zakona o izmjenama Zakona o Državnoj graničnoj službi BiH (prvo čitanje);

U raspravi niko nije učestvovao.

Dom naroda jednoglasno je u prvom čitanju usvojio Prijedlog zakona o Državnoj graničnoj službi BiH.

Ad-17. Prijedlog u vezi viška sredstava koja će se pojaviti kroz prikupljanje indirektnih poreza na teritoriji Bosne i Hercegovine u 2006. godini;

U raspravi o ovoj tački dnevnog reda učestvovali su: Hasan Čengić, Osman Brka, Ruža Stojanović i predstavnik Vijeća ministara BiH Zlatko Hurtić.

Dom naroda jednoglasno je usvojio Prijedlog koji je dostavila Komisija za vanjsku i trgovinsku politiku Doma naroda, a koji glasi:

**PRIJEDLOG
U VEZI VIŠKA SREDSTAVA KOJA ĆE SE POJAVITI
KROZ PRIKUPLJANJE INDIREKTNIH POREZA NA TERITORIJI BOSNE I HERCEGOVINE
U 2006. GODINI**

Dom naroda Parlamentarne skupštine BiH pokreće inicijativu kod nadležnih tijela Federacije BiH, Republike Srpske i Brčko Distrikta BiH da se višak sredstava od oko 400 mil. KM, koji će do kraja godine biti prikupljen od indirektnih poreza, usmjeri u penzione fondove, socijalne programe i podršku privredi, na osnovu trenutno važećih koeficijenata (65,9% F BiH; 31,2% RS i 2,9% Brčko Distrikt BiH). Prilikom određivanja omjera, omogućiti uslove za smanjenje poreza na plaće i poreza na dobit. Nakon usmjeravanja ovih sredstava, potrebno je donijeti izmjene propisa kojima će se smanjiti porez na plaće i porez na dobit.

OBRAZLOŽENJE

Ovakvim postupanjem s viškom sredstava iznad planiranih za ovu godinu (plan: 3.502.600.000,00 KM) izbjeglo bi se trošenje sredstava u kratkoročne svrhe i ostvarili bi se sljedeći učinci:

a) ugrožene kategorije stanovništva, uslijed povećanja cijena zbog uvođenja PDV-a, bile bi pomognute i dovedene u bolju socijalni položaj;

- b) smanjili bi se porezi na plaću (sa sadašnjih: 69% u FBiH i 55% u RS) za 5-8%, a porezi na dobit još više;
- c) sredstva koja bi se ostvarila smanjenjem poreza na plaću (oko 800 mil KM) ostala bi u posjedu domaće privrede za novu opremu, proširenje proizvodnje, konkurentnije cijene, povećanje izvoza, razvoj i novo zapošljavanje;
- d) zbog smanjenih poreza, Bosna i Hercegovina bila bi privlačnija za strana ulaganja;
- e) došlo bi do daljeg poboljšanja trgovinskog bilansa zemlje.

Sva pravna i operativna rješenja u vezi s ovim u nadležnosti su entiteta i Brčko Distrikta BiH. Bilo bi potrebno aktivnosti na realizaciju ovog prijedloga početi što prije, kako bi se on mogao primijeniti početkom iduće godine.

Ad-18. Izvještaj o radu Zajedničke sigurnosno-obavještajne komisije za nadzor nad radom Obavještajno-sigurnosne agencije BiH za period april 2004. - juli 2006. godine;

U raspravi o ovoj tački dnevnog reda učestvovali su: Tomislav Limov, Đoko Pajić i Osman Brka. Dom naroda jednoglasno je usvojio Izvještaj o radu Zajedničke sigurnosno-obavještajne komisije za nadzor nad radom Obavještajno-sigurnosne agencije BiH za period april 2004. - juli 2006. godine.

Ad-19. Godišnji izvještaj Ombudsmena za ljudska prava u Bosni i Hercegovini za 2004. godinu;

U raspravi o ovoj tački dnevnog reda učestvovao je Đoko Pajić. Dom naroda većinom glasova usvojio je Godišnji izvještaj Ombudsmena za ljudska prava u Bosni i Hercegovini za 2004. godinu.

Ad-20. Specijalni izvještaj Ombudsmena za ljudska prava u Bosni i Hercegovini u vezi s usklađenošću Zakona o krivičnom postupku s članom 14. stav 5. Međunarodnog pakta o građanskim i političkim pravima

U raspravi o ovoj tački dnevnog reda učestvovao je Tomislav Limov. Dom naroda jednoglasno je usvojio Specijalni izvještaj Ombudsmena za ljudska prava u Bosni i Hercegovini u vezi s usklađenošću Zakona o krivičnom postupku s članom 14. stav 5. Međunarodnog pakta o građanskim i političkim pravima.

Ad-21. Specijalni izvještaj Ombudsmena za ljudska prava u BiH u vezi sa Zakonom o utvrđivanju i načinu izmirenja unutrašnjeg duga Republike Srpske i Zakona o utvrđivanju i načinu izmirenja unutrašnjih obaveza Federacije BiH;

U raspravi niko nije učestvovao. Dom naroda jednoglasno je usvojio Specijalni izvještaj Ombudsmena za ljudska prava u BiH u vezi sa Zakonom o utvrđivanju i načinu izmirenja unutrašnjeg duga Republike Srpske i Zakona o utvrđivanju i načinu izmirenja unutrašnjih obaveza Federacije BiH.

Ad-22. Informacija o izdatim dozvolama za izvoz/uvoz oružja i vojne opreme u 2005. godini;

U raspravi niko nije učestvovao. Dom naroda jednoglasno je usvojio Informaciju o izdatim dozvolama za izvoz/uvoz oružja i vojne opreme u 2005. godini s Izvještajem Zajedničke komisije za odbrambenu i sigurnosnu politiku.

Ad-23. Potvrđivanje Pravilnika o međunarodnim aktivnostima Parlamentarne skupštine BiH;

U raspravi o ovoj tački dnevnog reda učestvovali su: Boško Šiljegović, Ruža Stojanović, Branko Zrno, Tomislav Limov i Osman Brka.

Dom naroda nije se izjasnio o ovoj tački dnevnog reda, smatrajući da nema potrebe davati potvrdu na Pravilnik o međunarodnim aktivnostima Parlamentarne skupštine BiH.

Dom naroda traži od nadležne komisije da izradi novi pravilnik s tim da u obzir uzme iznesene primjedbe na sjednici Doma.

Ad-24. Prijedlog Vijeća ministara BiH za imenovanje člana Ureda za razmatranje žalbi – stručnjak iz oblasti javnih nabavki;

U raspravi o ovoj tački dnevnog reda učestvovali su Halid Genjac i Ruža Stojanović.

Dom naroda imenovao je Nikolinu Silak za člana Ureda za razmatranje žalbi, stručnjaka iz oblasti javnih nabavki.

Ad-25. Davanje saglasnosti za ratifikaciju Sporazuma između Bosne i Hercegovine i Sjedinjenih Američkih Država o zaštiti statusa i pristupu infrastrukturi i područjima u Bosni i Hercegovini i njihovom korištenju;

U raspravi o ovoj tački dnevnog reda učestvovali su: Hasan Čengić, Đoko Pajić, Ilija Filipović, Mustafa Pamuk, Anto Spajić i Vinko Radovanović.

Dom naroda je većinom glasova dao saglasnost za ratifikaciju Sporazuma između Bosne i Hercegovine i Sjedinjenih Američkih Država o zaštiti statusa i pristupu infrastrukturi i područjima u Bosni i Hercegovini i njihovom korištenju.

Ad-26. i 27. Davanje saglasnosti za ratifikaciju

U raspravi niko nije učestvovao.

Dom naroda jednoglasno je dao saglasnost za ratifikaciju:

- Sporazuma između Vijeća ministara BiH i Vlade Hašemitske Kraljevine Jordan o zračnom saobraćaju;
- Sporazuma o kreditu između Bosne i Hercegovine i Kraljevine Španije za kreditiranje nabavke nagibnih vozova Talgo za Željeznice Federacije BiH.

Ad-28. Davanje saglasnosti za ratifikaciju Sporazuma između Bosne i Hercegovine i Republike Slovenije o izbjegavanju dvostrukog oporezivanja i sprečavanja utaje poreza u odnosu na poreze na dohodak i imovinu;

U raspravi o ovoj tački dnevnog reda učestvovao je Vinko Radovanović.

Dom naroda jednoglasno je dao saglasnost za ratifikaciju ovog sporazuma, uz sljedeći zaključak:

„Dom naroda traži od Vijeća ministara BiH da pokrene inicijativu radi što skorijeg rješavanja svih spornih pitanja s Republikom Slovenijom, kao i radi potpisivanja ugovora za rješavanje tih pitanja“.

Ad-29.Imenovanje četiri člana Upravnog odbora Javnog radiotelevizijskog servisa BiH i utvrđivanje trajanja njihovih mandata.

U raspravi o ovoj tački dnevnog reda učestvovali su Đoko Pajić i Ilija Filipović.

Dom naroda većinom glasova imenovao je četiri člana Upravnog odbora Javnog radiotelevizijskog servisa BiH i to:

Mariju Puticu – iz reda hrvatskog naroda - na mandat od četiri godine,
Nikolu Deretić – iz reda srpskog naroda - na mandat od tri godine,
Nadu Milošević – iz reda ostalih - na mandat od dvije godine, i
Plamenka Čustovića – iz reda bošnjačkog naroda - na mandat od jedne godine.

Sjednica je završena u 15,45 sati.

Sastavni dio ovog zapisnika je neautorizirani transkript 62. sjednice Doma naroda.

**SEKRETAR
DOMA NARODA**
Jadranko Tomić

**PREDSJEDAVAJUĆI
DOMA NARODA**
Goran Milojević